




www.BibleForChildren.org


Génesis 1




Me'ttia'ye Chigaja
sefacco, andeve'qque
agattoen.



Me'ttia'ye agattoensi andeja
ñotssimbiqquia'caen jincho.
Nane pa'cco sinttiopa tsu
na'enca'en jincho. Tsa'ma
Chiga Qquendya'paja
tsambe ombani
can'jemba pa'cco
tsama zivaen'jen.




Tsa'caen ñoñamba Chigaja su: "A'tatssia've daja."
Chiga tsa'caen su'ninda pa'cco a'tatssia've da.
Sinttia'ye attufaemba a'tatssia'ma a'tave inisian.
Toya'caen sinttiamajan coseve inisian. Tsa'caen
inisansia cosepa
a'tapa primer
a'ta tsu.



Tsonsi Chigaja su: "Sefacco'su qquendya'pave
attianjan na'en'su tsa'ccuma unjimba'ye attufaeñe."
Tsonsi tsu Chigaja qquendya'pama sefaccove inisian.
Nane cosepa a'tapa segundo a'ta tsu.




Tsonsi Chigaja su: "Na'en'su shave'pa fae'ttinga
bosi san'ame attianjan." Tsa'caen susi tsa'caen
tsu da. Tsa'caen dasi Chigaja san'ama andeve
inisian. Tsa'caen na'en fa'enga bo'choma'qqe
marve inisian. Inisiamba pa'ccoma cambia
ñotssisi attepa avujatssi. Avujatssipa ...




... su: "Ande'ye shoshovive sho'yoja. Toya'caen
te'ta tise'pa chove'qque sho'yoja. Nane
anqqe'su teta'cho'qque sho'yopa
tise'pa naqqe'suve
tsu naña'cho."




"Nane nanda tsu chove an'biaña'cho tsai'ccu
atapaye." Tsa'caen susi tsa'caen tsu da.
Cosepa a'tasi tercer a'ta tsu.




Nane Chigaja dos rande chanjunque'suve agattoemba
ti'tsse randemajan coe'jeve ancaen cuintsu
a'tave attiañe. Bove'cco'a'ma tsu
ancaen cuintsu coseve attiañe.
Toya'caen o'feve'qqe agattoemba
ancan'caen. Cosepa a'tasi
cuarto a'ta tsu.




Tsonsi Chigaja su:
"Na'eñe osha'cho cansian
jincho'chove attianjan.
Toya'caen sefacconi'su
qquendya'pa'ye osha'cho
chhiririave attianjan
cuintsu ande omba'ye
chhaje'faye." Tsa'caen
susi cosepa a'tasi
quinto a'ta tsu.




Tsonsi Chigaja su: "Andeni osha'cho cansian
jincho'cho ccaningandeqquiave attianjan. Nane
aiña'cho vaura'can, andenga manguqqe'su,
tsampini canseqque'su'qqe ccaningandeqquiave
attianjan." Tsa'caen susi tsu tsa'caen da.




Avujatssipa su: "Jinge a'ive agattoeñe. Nane ingi'caeñi agattoeña'cho cuintsu tiseja na'en'su avuma, sefani'su chhiririama, aiña'cho vaura'can'ma'qque mandaye. Nane pa'cco andema, osha'cho andeni manguqque'suma'qque mandaye." Chigaja osha'choma attepa avujatssi. Cosepa a'tasi sexto a'ta tsu.



Tsonsi Na'su Chigaja a'ima Edéni'su jombachocunga
ccutsian cuintsu tsama semamba coiraye.



Ccutsiamba
a'ima su: "Poiyi'cco
jombachoccu'su
tetachoma qui aña
osha. Tsa'ma tsa
ñotssia, egama
atesuya'cho quini'cco'su
tetachomajan anjama.
Nane maqui a'ta tsama
an'da qui paya."



Nane tsandie tsu poi'ccco aiña'cho vaura'can'ma
sefani'su chhiririama, tsampini canseqque'suma'qqe
inisian. Tsa'ma ñoa'me
tsandiei'ccu
fae'ngae cansepa
fuite'suve me'i'on.



Tsa'cansi Na'su Chiga tisema anaesi tsandieja ana.
Ana'jensi Chigaja tsandie utuccu'su tsu'ttama
somboemba ttonoi'ccu changoma
picco. Utuccu'su tsu'ttama
Na'su Chigaja pushesuve
ñoña. Ñoñamba
tsandienga afe.



Tsa'cansi tsu ja'ño tsandieja tise
yaya, tise mamama catipa tise
pushei'ccu can'jen'faya. Nane tsa
dos tsu fae a'ia'caeñi da'faya.



Nane Chigaja va andeni'su a'ima
tsain'bitsse in'jamba Tise
Dutssi'ye fae'ccoama a'inga
afemoen cuintsu poi'yi'cco majan
tise've in'jan'chota catiyembe'yi
Chigai'ccu tsangae
canse'faye.



Romanos 3:23

Nane poi'yi'cco tsu egae tsin'con'fa. Chiga ñotsse
in'jan'chove nafattumbipa poi'yi'cco tsu shacapa'fa.

Romanos 6:23

Majan egae tsin'con'ninda Chigaja tsangae paya'choi'ccu
afepoeña. Tsa'ma majan Jesucristoma tisu na'suve
in'jan'ninda Chigaja tisenga afeya cuintsu
tsangae canseye.

Hebreo'su 9:27

Nane poi'yi'cco a'i tsu fae seyi pa'faya'cho. Tsa'caen
pasi tsu Chigaja Tise'pa canseite tsin'con'chone afaya.



Efeso'su 2:8,9

Tisuyi qui ccushaye osha'fambi. Tsa'ma Chigave
in'jansi Tiseja que'ima in'jamba ccushaen tsangae
canse'faya'chove. Nane Chiga aquia afe'cho
tsu. Tsa'cansi semamba qui ccushaye
osha'fambi patsuye afasa'ne.

Romanos 10:9,10

Que'i aya'fai'ccu: "Jesúsja ña na'su" qquen supa tisu
injama'choi'ccu "Chigaja Jesúsma pa'chondeccu'ye
qquendyaen" qquen in'jan'da qui ccusha'faya.
Nane injama'choi'ccu in'jaña'cho cuintsu Chigaja suye:
"Queja ño'a." Toya'caen tisu aya'fai'ccu Jesúsve
in'jan'choma condaseya'cho cuintsu
Chiga que'ima ccushaeñe.



Juan 3:16,17

Nane Chigaja va andeni'su a'ima tsain'bitsse in'jamba
Tise Dutssi'ye fae'ccoama a'inga afemoen cuintsu
poiye'cco majan tise've in'jan'chota catiyembe'yi
Chigai'ccu tsangae canse'faye.

Nane Chigaja Tise Dutssi'yema moembi cuintsu a'i
injama'choma somboeñe. Tsa'ma poiye'cco a'ima
ccushaeñe tsu tisema moen.

1 Juan 5:11-13

Qquen tsu ñoa'me Chiga su'cho: Chigaja tayo inginga
antte tsangae canseye. Tise Dutssi'ye tsu cansian'su.

Majan Chiga Dutssi'yeye in'jan'cho tsu tsangae
canse'fa. Tsa'ma majan Chiga Dutssi'yeye
in'jambi'choa'ta canse'fambi. Que'i Chiga Dutssi'yeye
in'jan'fasi gi que'inga qquen tevaen que'i tisupa
Cristoi'ccu tsangae canse'fa'choma atesu'faye.



Génesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Cofán Bible (con) © 1998, Wycliffe Bible Translators,
Inc. All rights reserved.

<https://live.bible.is/bible/CONWBT/MAT/1>

©2026 Bible for Children, Inc.

www.M1914.org

www.bibleforchildren.org

